



ҚАЗАҚСТАН ҰЛТТЫҚ БАНКІ

**2022 жылдың IV тоқсанында экономиканың нақты секторындағы
кәсіпорындарда жүргізілген сауалнаманың қорытындысы бойынша
(салалық конъюнктуралық шолу)**

**ҚР ҰБ Ақша-кредит саясаты департаменті директорының орынбасары
Денис Чернявскийдің
түсіндірмесі**

2023 жыл, 16 ақпан

Нақты сектордағы кәсіпорындарда жүргізілген сауалнаманың қорытындысы тау-кен өнеркәсібінде – дайын өнімге, көлік пен қоймада сақтауда – сұранысқа қатысты жағдай жақсарғанын, ал сауда саласында, керісінше, нашарлағанын көрсетті. Сауда мен құрылыста сұраныс көрсеткіштері теріс аймақта тұр. 2023 жылдың I тоқсанында ауыл шаруашылығынан басқа барлық салада сұранысқа қатысты жағдай жақсарады деп күтілуде.

Сауданы қоспағанда, барлық салада шикізат пен материал бағасының өсу қарқыны баяулады. Тау-кен өнеркәсібінен өзге салаларда дайын өнім бағасының өсу үрдісі де бәсеңдеді. 2023 жылдың I тоқсанында осы баяулау үрдісі жалғасады деп күтіледі.

2022 жылдың IV тоқсанында тау-кен өндіру және өңдеу өнеркәсібі салаларында, сондай-ақ көлік пен қойма саласында өндіріс көлемі өскен. 2023 жылдың I тоқсанында барлық салада өндіріс көлемі ұлғаяды деп күтіледі.

Өндірістік қуаттардың жүктемесі – өңдеу өнеркәсібінде, ауыл шаруашылығында, сондай-ақ көлік пен қоймада сақтауда да өсті. Өндірістік қуаттарды жүктеудің жоғары деңгейі тау-кен өндіру өнеркәсібінде сақталып отыр.

Сату рентабельділігі ауыл шаруашылығында ғана өсімді көрсетті. Тау-кен өндіру өнеркәсібінде сатылым рентабельділігі (**44,0%**) басқа салаларға қарағанда айтарлықтай жоғары болды.

Сауалнамаға барлығы 2,6 мыңнан астам тау-кен және өңдеу өнеркәсібі, құрылыс, сауда, ауыл шаруашылығы, көлік пен қойма кәсіпорындары қатысты.

Толығырақ: <https://nationalbank.kz/kz/page/rezultaty-oprosov-predpriyatiy-v-razreze-otrasley>

БАҚ өкілдері толығырақ ақпаратты мына телефон арқылы ала алады:

8 (7172) 77–52–10

e-mail: press@nationalbank.kz

www.nationalbank.kz